

## **Akiitsornermut isumaqatigiissummut piumasagaatit**

### 1. Ernianik aamma akinik allannguineq

Erniat akillu allanngorartuupput, ersarissumik allatut allassimasoqanngipput. Akit aamma akiliutitut taaneqartarput.

#### 1.1. Ernianik allanngorartunik aamma akinik allannguineq

GrønlandsBANKEN taarsigassarsianut aamma akiitsunut erniat aamma akit qaffassinnaavaat kiisalu akinik nutaanik eqqussisinnaalluni.

GrønlandsBANKEN-imi Niuernermut piumasagaatini nalinginnaasuni, ernianik akinillu allannguinermit piumasagaatit ersersinneqarput, matuma ataani qanoq kalerriinissat.

Ernianik allannguinerit naleqqiussanik tunngaveqartut taamaallaat kontop assilinerani imaluunniit GrønlandsBANKEN-imit naatsorsuutinit ersittarput.

### 2. Akiliinngitsoornermi pillaatitut erniarititat aamma sippuinermi erniat aamma akiliineq ajornerup kinguneri

Ullormi akiliiffissami kingusinnerpaamik akiliisoqanngipput, imaluunniit killilimmik taarsigassarsiat sipporneqarpata, GrønlandsBANKEN pisussaataaavoq akiliinngitsoornermi pillaatitut erniarititanik/sippuinermi ernianik akileeqqusinissamut. Akiliinngitsoornermi pillaatitut erniarititat/sippuinermi erniat akilinngitsuukkap nalinga/ sippuineq tunngavigalugu naatsorsorneqassapput. Akiliinngitsoornermi pillaatitut erniarititat/ sippuinermi erniat akiitsornermut isumaqatigiissummi naliusumik, nikerartumik, ullormit akiliiffissamit/ sippuiffiusumit, akiliinissap tungaanut naatsorsorneqartarpoq. Akiliinngitsoornermi pillaatitut erniat/ sippuinermi erniat allannguutaat allat assigalugit allanngortinneqartarpoq.

Sippuinermi aamma kingusinaarluni akiliinermi akileeqqusilluni nukingisaarutitut akimik ilanngussisoqarsinnaavoq. Akileeqqusilluni nukingisaarutitut akii aamma sumiginnaanermi aningaasartuutitut allat GrønlandsBANKEN-ip akigititanut nalunaarsugaani (prisbog) takuneqarsinnaapput. Akiliisitsiniartarfimmut tunniussinermi inatsisilerituumut, eqqartuussivinnut il.il. aningaasartuutit ilanngussisoqassaaq. Akiligassanut akilerneqanngitsunut akiliutigisakkanut ingerlaavartunut aningaasartuutit ilannguttut ilanngullugit naatsorsornissaannut aningaaserivik imminut piginnaatippoq. Sippuinerup kingunerisinnaavaa, akiitsornermup isumaqatigiisutit atorunnaarsinneqarnera, soorlu sippuinerup aamma akilersuinnginnerup kingunerisinnaagaa, akiitsoqqinnissap ajornarsinera. Akiitsornermut isumaqatigiisummik atorunnaarsitsinerup kingunerissavaa erniat akillu qaffannerat.

GrønlandsBANKEN-ip qaqugukkulluunniit taarsigassarsianut akiitsornernullu sumiginarneqartunut ernialiineq allaffissornikkut naatsorsuutitigullu unitsissinnaavaa.

Ernialiineq unipput, tamannalu akiitsortumut isumaqatigiisutaanngipput, isumaqanngilaq GrønlandsBANKEN-ip pisassami ernialersornissaanut kiisalu aningaasartuutissanut kingusinnerusukkut ilannguttunut matussusiinissamut piumasaqarnissaq taamaatiinnaraa. Tamanna aamma atuuppoq, kontop assilinerani imaluunniit assingusuni allassimagaluarpalluunniit ernialiineq unissimasoq.

### 3. Akiliisarnernik iluarsineq

Ernianik aamma aningaasartuutit allannguinermi GrønlandsBANKEN pisinnaatitaavoq, akiliisarnernit annertussusaasa, amerlassusaasa imaluunniit akulikissusaasa imaluunniit taakku katillugit allanngortinnissaanut.

#### 4. Akiliisarnerit takussutissartaat

Akiitsullip qaqugukkulluunniit taarsigassarsinermut isumaqatigiissutip ingerlanerani aningaasartuutaanngitsumik qinnutigisinnaavaa, akilersuutit takussutissartaat (akilersuutissanut pilersaarut) naatsorsuutaannik tigusinissaq, tassani akiliutissanik pisussaaffiusunik, piffissanik aamma aningaasanik taama ittunik akiliinissamut piumasaqaatinik kiisalu akiliinerit ataasiakkaat nassuiaataannik imaqtut.

Akilersuutit takussutissartaani takutinneqarpoq aningaasanik aamma ernianik akilersuineq, akiitsullip erniai aamma aningaasartuutaasinnaasut allat tunngavigalugit naatsorneqartut. Akilersuutit takussutissartaat taamaallaat atuuppoq akiitsullip erniaasa imaluunniit aningaasartuutaasinnaasut allat akiitsornermut isumaqatigiissut naapertorlugu tulliani allanngortinnissaata tungaanut.

#### 5. Aningaasaqarnikkut pissutsit pillugit paasissutissiineq

Akiitsullip GrønlandsBANKEN aningaasaqarnikkut inissisimanini pillugu ilisimatitsiffigisassavaa kiisalu qinnuigineqaruni aningaasaqarnikkut paasissutissat, matuma ataani ilaatigut Akileraartarnermut Aqutsisoqarfimmit ukiumoortumik naatsorsuutit aamma siumoortumik naatsorsuutit kingulliit tunniuttassallugit.

#### 6. Atorunnaarsitsineq aamma akiitsut akilernerat

GrønlandsBANKEN-ip taarsigassarsiat akiitsornerillu qaammatinik 2-nik sioqqutsilluni nalunaaruteqarnikkut atorunnaarsinnaavai, kiisalu akiitsut, matuma ataani erniat aamma aningaasartuutit takkuttut akilerneqarnissaat piumasaqaatigisinnaallugu.

GrønlandsBANKEN-ip atorunnaarsitsinerani akiitsullip allakkatigut elektroniskimilluunniit nassuiaat tunngavilersorluagaq piumasinnaavaa.

Akiitsullip taarsigassarsinermut aamma akiitsornermut isumaqatigiissut naapertorlugu qaqugukkulluunniit tamakkiisumik imaluunniit ilaannakortumik pisussaaffini akilernissaanut pisinnaatitaaffeqarpoq. Akiitsullip matuma kingornagut pisinnaatitaaffigaa ataatsimut akiitsunut aningaasartuutit, taarsigassat aamma akiitsut ingerlanissaata sinneranit erniat aamma aningaasartuutit annikillinissai.

#### 7. Pisussaaffimmik sumiginnaaneq aamma pisinnaannginnermut tunngaviit allat

Pisuni immikkut ittuni tulliuttuni GrønlandsBANKEN-ip pisinnaatitaaffigaa taarsigassarsiat/akiitsut nalunaaqqaarnani atorunnaarsinnissai kiisalu akiitsut tamarmik ernertumik akilerneqarnissai:

- a. Akiliutissat, erniat, ilapittuutit imaluunniit akilersuutit piffissami akiliiffissami akilerneqanngippata, kiisalu GrønlandsBANKEN-ip akiitsulimmut akileeqqusilluni nukingisaarummik GrønlandsBANKEN-ip najukkamut kingullermut nalunngisaminut nassiussineranit, ullut arfineq pingasut qaangiunnerani akiitsulik akiliisimannngippat. Akiitsornermi aamma tamanna atuuppoq, akiitsullip GrønlandsBANKEN akuersiteqqaarnagu akiitsut annertunerpaaffissaa sipporpagu.
- b. Akiliunneqarnissamut imaluunniit paarnaarussaannissamut akiitsulik inuttut eqqartuussivikkut malersugaalerpat.
- c. Akiitsulik iluarsaaqqinnermik imaluunniit akiliisinnajaarnermik suliaqarfigineqarpat imaluunniit akiitsunik isumakkeerfigineqarnissamut suliamik aallartitsippat.
- d. Akiitsulik toqkukut qimaguppat.
- e. Akiitsulik Kalaallit Nunaata killeqarfiata avataani aalajangersimasumik najugaqalerpat, tamatumalu siornatigut taarsigassarsiat/akiitsut (nangillugu) akilersorneqarnissaanut isumaqatigiissuteqartoqanngippat.

- f. Akiitsulik aningaasaqarnikkut inissisimanini pillugu paasissutissat nipangiussimasimappagit imaluunniit eqqunngitsumik paasissutissiisimappat, tamanna GrønlandsBANKEN-ip taarsigassarsinissamut/akiitsortitsinissamut neqeroorutaanut unioqqutitsinermik isigineqarmat.
- g. Akiitsulik aningaasaqarnikkut inissisimanini pillugu GrønlandsBANKEN ilisimatinnikkuniuk imaluunniit qinnuigineqarnermini aningaasaqarnermut paasissutissanik tunniussinngikkuni, matuma ataani Akileraartarnermut Aqutsisoqarfimmit ukiumi kingullermi ukiumoortumik nalunaarutinik aamma siumoortumik nalunaarutinik.
- h. Taarsigassarsianut pigisat qularnaveeqqutaasut GrønlandsBANKEN akuersiteqqaarnagu tunineqarpata, imaluunniit illuutigisaq taarsigassarsinermit qularnaveeqqutaasoq allatut atugassatut atorneqalerpat, appasinnermik naleqalerneranik kinguneqartumik.
- i. Taarsigassarsianut pigisat qularnaveeqqutit annertuumik ajornerulermata.
- j. Taarsigassarsianut qularnaveeqqutaasoq biili, umiatsiaq, allat pigisat imaluunniit illu iluameersumik sillimmaqanngippat imaluunniit qinnuiginninnermi tamanna uppersarnarneqanngippat.
- k. Akiliussissamaat pisuni imm. b-g-mi taaneqartuni ilanngunneqarpata. Tamannali atuutinngilaq, sapaatip akunnerata ataatsip iluani allamik GrønlandsBANKEN-ip akuerisinnaasaanik qularnaveeqqusiisoqarpata.

### 8. Utertitsisinnaaneq

Akiitsullip taarsigassarsiani atugassannqortinneqarneranit ullut 14-it qaangiutinnagit taarsigassarsiani aamma akiitsornini utertinnissaanut pisinnaatitaavoq. Utertitsinissamut killiliussaq ulloq kingulleq arfininngornermi, sapaammi, nalliuttuni, qilaliarfup aqaguani, inatsisitaarfimmi, juulliaqqami imaluunniit ukiutoqqami pippat, killiliussaq ulluinaap tulliani qaangiutissaaq.

Akiitsullip utertitsisinnaanini atorusuppagu, tamanna pisinnaavoq killiliussap qaangiutinnginnerani akiitsullip immikkoortortaanut sianernikkut imaluunniit allagaqarnikkut. Peqatigitillugu aningaasat tiguneqartut, kiisalu aningaasartuutaasimasinnaasut allat, GrønlandsBANKEN-ip pisortani oqartussaasunut akilersimasinnaasaat, utertinneqarsinnaanngitsut utertillugit akilerneqassapput.

Tamatuma saniatigut akiitsullip, ullormit taarsigassarsiat atugassannqortinneqarnerannit, aningaasat utertinneqarnissaata tungaanut erniat takkuttut akilissavai. Erniat taaneqartoq, ullormut ilanngunneqartartoq, piffissami isumaqatigiissusiorfiusumi erniatigut pissutsit tunngavigalugit naatsorsorneqartarpoq, soorlu erniat erniai sillimaffigineqanngitsut. Erniat, utertitsisinnaanermik atuinermi akilerneqartussat, erniaapput ilanngunneqartut, erniat isumaqatigiissutaasut tunngavigalugit naatsorsorneqartut.

Aningaasat katillugit pisariaqanngitsumik kinguaattoornani utertillugit akilerneqassapput, kingusinnerpaamillu akiitsullip utertitsisinnaanermik atuinissamut nalunaaruteqarneranit kingusinnerpaamik ullut 30-t qaangiuppata.

### 9. Naammagittaalliorneq aamma isumaqatigiinnngissutit pillugit isumaqatigiissuteqarneq

Akiitsulik GrønlandsBANKEN pillugu naammagittaalliteqarniaruni, akiitsullip siullertut immikkoortortani attavigissavaa imaluunniit immikkoortortaqqanngippat [klage@banken.gl](mailto:klage@banken.gl) aamma (299) 701234.

Akiitsullip matuma kingorna saaffiginninnermi GrønlandsBANKEN-ip sullissinera imaluunniit inernerusoq sulisumaqatiginngikkuniuk, akiitsullip GrønlandsBANKEN-imi naammagittaalliornermut akisussaasoq attavigisinnavaa. Naammagittaalliornermut akisussaasoq pillugu paasissutissat GrønlandsBANKEN-imi imaluunniit GrønlandsBANKEN-ip nittartagaani pissarsiarineqarsinnaapput.

Saaffiginnissut naammaginartumik inerneqanngippat, akiitsullip naammagittaalliuutini tunniussinavaa Atuisartut Pisisartullu Maalaarutaannik Aalajangiisartunut, Atuisartoqarnermut Unammilleqatigiinnermut Aqutsisoqarfik, Imaneq 29, 1. sal, Postboks 689, 3900 Nuuk, Oqarasuaat (299) 328033, E-mail: [maalaarut@nanoq.gl](mailto:maalaarut@nanoq.gl), [www.aua.gl](http://www.aua.gl).

GrønlandsBANKEN-ip aningaaserinermik inatsimmik eqqortitsineq pillugu naammagittaalliutit Finanstilsynet-imut naammagittaalliutigineqarsinnaapput.

GrønlandsBANKEN-ip inummut paasisutissanik suliaqarnera pillugu uunga naammagittaalliutigineqarsinnaapput Datatilsynet, Carl Jacobsens Vej 35, 2500 Valby oq. 33 19 32 00, [www.datatilsynet.dk](http://www.datatilsynet.dk).

#### 10. Nakkutilliineq

GrønlandsBANKEN-ip akuersissutigaa GrønlandsBANKEN FT-nr. 6471

GrønlandsBANKEN uannga nakkutigineqarpoq Finanstilsynet, Strandgade 29, DK - 1401 København K. Oq. 33 55 82 82, [www.finanstilsynet.dk](http://www.finanstilsynet.dk)

### **Akiliussisussamaatit pillugit immikkut**

Taarsigassarsianut akiitsunullu akiliussisussamatiniq qulakkiigaasunut aalajangersakkat tulliuuttut atuupput:

#### 1. Akiliussisussamaatit annertussusaat

Akiliussisussamaatip akiitsullip GrønlandsBANKEN-imut pisussaaffii, taakkununga ilanngullugit erniat aamma aningaasartuutit allat, aningaasat akilerneqartussat katillugit qularnaveeqqusiinermi tunniussinermi taarsigassarsiat atsiorneqarnerminni angissusianik imaluunniit akiitsut annertunerpaaffissaannik qaangiinngitsut akiliussisussatut akisussaaffigissavai.

#### 2. Taamaatitsineq

Akiliussisussamaatit ukiut 10-t qaangiuppata taamaatissapput, kisianni akiitsunut nikerartumik taarsigassartalinnut aamma taarsigassarsianut piffissami aalajangersimasumi akilerneqartussaanningsunut akiliussisussamaasiinermi ukiut 5-it qaangiuppata taamaatissapput. GrønlandsBANKEN-ip akiliussisussamaammut piumasaqaataa atorunnaassanngilaq, piumasaqaat akiliussisussamaatip atorunnaanginnerani atulersinneqarsimappat.

#### 3. Atorunnaarsitsineq

Taarsigassarsiat/akiitsut akiliussisussamaasikkat tamakkiisumik imaluunniit ilaannakortumik akilerneqarpata, aamma akiliutigisartakkat imaluunniit qularnaveeqqutit ilassutaasut atorunnaarsinneqarpata, akiliussisussamaasiineq attanneqassaaq, akiliussisussamaat akiitsulimmit imaluunniit GrønlandsBANKEN-imit akiliisimaneq pillugu nalunaarummik tiguisimagaluarpalluunniit.

#### 4. Akiliinernik atuineq

Akiliussisussamaatiniit akiliinerit siullertut ernianik, akiliutiniq aamma aningaasartuutiniq matussusiinermut atorneqassapput, tullianillu akiliussisussamaatimit akiitsut qularnaarneqartut sinnerinik annikillisaanermut atorneqassallutik.

Taarsigassarsiat/akiitsut akiliussisussamaasiinermi taamaallaat ilaannakortumik qularnaveeqquserneqarsimappata, akiitsullip imaluunniit akiliussisussamaataanngitsup akiliineri siullertut akiitsuni qularnaveeqqusiigaanngitsunik annikillisaanermut atorneqassapput.

#### 5. Kinguartitsineq

GrønlandsBANKEN-ip akiliussisussamaammik akuersissummik peqqaarnani akiitsullip akilersuutiniq, ernianik aningaasartuutinillu allanik akiliinissaanut kinguartitsinnaavoq, matumanili aningaaserinermik ingerlatsineq pillugu inatsimmi § 48 ataqqillugu.

## 6. Pigisanik naatsorsuinermi ataatsimiinnerni taasisinnaaneq

GrønlandsBANKEN-ip akiitsulimmut tunngasumik pigisanik naatsorsuinermi ataatsimiinnerni tamani akiliussisussamaammut atassuteqartumik sammisami taasisarpoq. Tamanna atuuppoq, GrønlandsBANKEN-ip piumasaqaatiminut tamakkiisumik qularnanngitsumillu matussusiinissaata tungaanut.

## 7. Ataatsimut akiliussisussamaasiineq qularnaveeqqutillu allat

GrønlandsBANKEN qularnaveeqqusiinerit, akiitsulimmit imaluunniit allamit atugassinneqartut piviusunngortinnissaannut kiisalu GrønlandsBANKEN-ip killilersugaanngitsumik toqqagai naapertorlugit tigusassanik nalikilliliinissamut imminut pisinnaatippoq. Akiliussisussamaat qularnaveeqqutini taama ittuni taarsiivigineqarnissamut pisinnaatitaaffeqanngilaq.

Tamanna ilaatigut isumaqarpoq:

- GrønlandsBANKEN akiliussisussamaat akuersiteqqaarnagu pisussaataaffimmut qularnaveeqqusigaasumut qularnaveeqqutininik allanik atuisinnaatitsilersinnaasoq
- GrønlandsBANKEN qularnaveeqqutit atorsinnaagai, qularnaveeqqusigaasumit piumasaqaatinut allanut akiliussisussaatisunut piumasaqaatinik taama ittunik naammatsitsinissaq sioqqullugu.

Piginnittutut ingerlatseqatigiiffiup akiliussisussamaataa pingaarnertut ingerlatsinermi ingerlatseqatigiiffiup GrønlandsBANKEN-imut pisussaaffianut qularnaveeqqutaavoq, inuttulli akiliussisussamaat ingerlatsinermi ingerlatseqatigiiffiup GrønlandsBANKEN-imut pisussaaffianut tulliuuttut qularnaveeqqutaavoq.

## 8. Nalunaarutiginnittussaaneq aamma akiitsullip akiliisinnajunnaarnerani agguagassarsinissamut pisinnaatitaaffik

Akiliussisussamaatip akiitsullip GrønlandsBANKEN-imut pisussaataaffii akilertariaqarpagit, GrønlandsBANKEN nalunaarutiginninnissamut pisinnaatitaaffeqarpoq kiisalu akiitsullip pigisaani akiliutinik agguagassarsinissamut pisinnaatitaaffeqarluni.

## 9. Pinngitsaaliissummik naammassisitsineq

Akiliussisussamaat taarsigassarsinermut qularnaveeqqutaappat, taarsigassarsinermut uppernarsaat akiliussisussamaatinik uppernarsaammik ilaqartoq eqqartuussisarnermi inatsimmi § 598, imm. 1, nr. 7 naapertorlugu akiliussisussamaammi pinngitsaaliissummik naammassisitsinermut tunngaviusinnaavoq.

## **Qularnaveeqqutit pillugit immikkut**

Taarsigassarsianut akiitsunullu qularnaveeqqutininik qularnaveeqquserneqartunut aalajangersakkat tulliuuttut aamma atuupput:

### 1. Qularnaveeqqusiinerup annertussusaa

Qularnaveeqqutit akiitsunik akilersuinermit atatillugu akiliutinut aningaasaatinik, ernianik, akiliutinik, suliamut aningaasartuutinik aamma aningaasartuutinik allanik akiliinissamut qularnaveeqqutaapput.

Akiitsullip qularnaveeqqutigisai, akiitsullip GrønlandsBANKEN-imut pisussaaffiit imaluunniit pisussaaffigilersinnaasaanut sunulluunniit qularnaveeqqutit atuupput.

GrønlandsBANKEN-ip nammineq toqqarsinnaavaa katillugit pisassanit sorleq, imaluunniit pisassat arlallit akornanni sorleq, qularnaveeqqummik tigusassanit annikillineqassanersoq.

### 2. Pigisanik tigusassanik qularnaveeqqutaasunik sillimasiineq

GrønlandsBANKEN biilinut, umiatsiamut, pigisanut allanut imaluunniit illuutinut qularnaveeqquteqarpat, qularnaveeqqusiisup pisussaaffigaa qularnaveeqqusikkat kaskomik aamma/imaluunniit ikuallannermit sillimmasissallugit.

Alla pingajuusoq qularnaveeqqusiisimappat, akiitsullip sillimmatinut akiliut allap pingajuusup akilinnngippagu akilissallugu pisussaaffigaa.

### 3. Qularnaveeqqutip ajornerulenera

Qularnaveeqqutip nalinga annertuumik ajornerulerpat, GrønlandsBANKEN-ip piunasaqaatigisinnaavaa, akiitsullip akiitsut/akiitsut annertussusaat immikkut ittumik annikillisissagai imaluunniit, ajornerulernerup naliganik allanik qularnaveeqqusiissasoq. Taamaattoqanngippat GrønlandsBANKEN-ip taarsigassarsiat/akiitsut sumiginarneqartutut isiginnaavai.

GrønlandsBANKEN illuutigisami akiitsullip ukioq naallugu najugarisaatut atortumi qularnaveeqquteqarpat, GrønlandsBANKEN-ip illuutip nalingata ajorseriarnerani immikkut ittumik appaassanngilaq imaluunniit allanik qularnaveeqqusiissanngilaq, ajorseriarneq paarsinerlunermik tunngaveqanngippat.

### 4. Qularnaveeqqutaasunut GrønlandsBANKEN-ip pisinnaatitaaffii

GrønlandsBANKEN-ip qularnaveeqqutaasunut qularnaveeqqusiisup pisinnaatitaaffii tamaasa atorsinnaavai, matuma ataani qularnaveeqqummut aningaasanik sunilluunniit tigusineq aamma uppersaaneq, atorunnaarsitsineq akiliisitsinerlu, uppersaaneq kiisalu pisassarisanik qularnaveeqqusikkanik tammarnaveeqqusiinermut uppersaatinik imminut assartuineq imaluunniit kontoni uninngasuuteqarfinni qularnaveeqqusigaasuni aningaasanik qaffaaneq.

Aktiaatinik, piginneqataassutisunik assigisaannillu qularnaveeqqusiinermi GrønlandsBANKEN-ip, ingerlatseqatigiiffiit pillugit inatsisit, ingerlatseqatigiiffiup ileqqoreqqusai, piginnittut isumaqatigiissutiginnaasaat assigisaallu naapertorlugit aktiaatillit aamma piginneqataassutillit pisinnaatitaaffii taamasa atorsinnaavai. Taasinissamut pisinnaatitaaffik qularnaveeqqusiisup pigaa, GrønlandsBANKEN-ip tamanna atorniarlugu erseqqissumik nalunaarutiginissaata tungaanut. Qularnaveeqqusiisooq GrønlandsBANKEN-ip saaffiginninneratigut ingerlatseqatigiiffimmit nalunaarutisunik nassiusissassaaq, matuma ataani ilaatigut ileqqusumik ataatsimeersuarnermut aggersaanerit taassumangalu eqikkaanerit.

Qularnaveeqqut sillimmasiinermut allagartamik imaqarpat, qularnaveeqqusiisup pisussaaffigaa piunasaqarneratigut sillimmasiinermut akiliutip piffissaq eqqorlugu akilerneqarsimaneranut uppersaataat GrønlandsBANKEN-imut takutinissaa.

GrønlandsBANKEN-ip sillimmasiinermut allagartami utertitsilluni akiliutip nalinganik utertitsinissaq toqqaruniuk, GrønlandsBANKEN sillimmasiinermut isumaqatigiissuteqarneq pillugu inatsimmi killiliussaq aalajangerneqartoq utaqqinagu pisinnaatitaassaaq.

GrønlandsBANKEN qularnaveeqqusiinermi sioqqutsilluni matussusiinissamut pisussaannngilaq, soorlu GrønlandsBANKEN ataatsimut pisussaaffimmut atatillugu atuinermut nammineerluni toqqaasinnaasoq.

### 5. Qularnaveeqqut pillugu aningaasartuutit

GrønlandsBANKEN-ip pigisat qularnaveeqqutit pillugit aningaasartuutisunik akiliinissamut piunasaqaateqarsinnaavoq.

GrønlandsBANKEN-ip aamma piunasarisinnaavaa GrønlandsBANKEN-ip qularnaveeqqusiiffigisatut soqutigisaminut aningaasartuutaanut akiliisoqarnissaa, matuma ataani sillimmasiinermut akilersuutitut akiliinermut, qularnaveeqqummit misissuinerlut, inatsisilerinikkut ikiorneqarnermut aningaasartuutitut il.il.

### 6. Qularnaveeqqummit iluanaarutit

Qularnaveeqqusiinermi ilaapput erniat aamma pissarsiat qularnaveeqqutitut qanoq ittunilluunniit, taakku ataanni inuunermut sillimmammut allagartanut bonusit, aktiani aningaasaateqarfinit aktiaasinnaasut aamma

isumaqatigiissuteqarnermi pisinnaatitaaffiit, obligationinit toqqakkanit iluanaarutit, attartortitsinerme iseritat assigisaallu.

GrønlandsBANKEN piginnaatitaavoq, pisussaataananili (aamma akiliussisussamaammut atatillugu), akilersuutininik, ernianik aamma aningaasartuutininik akiliinermut ernianik iluanaarutinillu pissarsinissamut.

#### 7. Nalunaarutit

Nalunaarutit tamarmik, qularnaveeqqusiisup pigisat qularnaveeqqutit pillugit tigusaanut atatillugu, qularnaveeqqusiisup pisussaaffigaa taakku erngertumik GrønlandsBANKEN-imut nassiutissallugit.

#### 8. Obligationinik toqqaaneq

Obligationit qularnaveeqqusikkat toqqarneqarpata, toqqarneqartunullu taarsiullugu allanik pisisoqarpat, GrønlandsBANKEN VP Securities A/S-imut taakkununga qularnaveeqqutininik salliusutut nalunaarsuinissamut piginnaatitaavoq.

#### 9. Taamaatsineq

Allap pingajuusup qularnaveeqqusiinere ukiut 10-t qaangiuppata atorunnaassapput, kisianni allap pingajuusup akiitsunut nikerartumik taarsigassartalinnut aamma taarsigassarsianut piffissami aalajangersimasumi akilernerqartussaangitsunut qularnaveeqqusiinera ukiut 5-it qaangiuppata taamaatissaaq. GrønlandsBANKEN-ip allamut pingajuusumut qularnaveeqqusiisumut piunasaqaataa atorunnaarneq ajorpoq, piunasaqaat siusinnerusukkut GrønlandsBANKEN-imit atuutilersinneqarpat.

#### 10. Atorunnaarsitsineq

Taarsigassarsiat/akiitsut qularnaveeqquserneqartut tamakkiisumik imaluunniit ilaannakortumik akilernerqarpata, kingornalu akiliinerit atorunnaarsinneqarpata, qularnaveeqqusiisoq GrønlandsBANKEN-ip qularnaveeqqutai pilerseqqissallugit pisussaataavoq, GrønlandsBANKEN-ip qularnaveeqqutit atorsinnaalertereeraluarpagilluunniit.

#### 11. Kinguartitsineq

GrønlandsBANKEN qularnaveeqqusiisumit akuersisummik aalleqqaarani taarsigassarsisup akilersuutininik, ernianik aningaasartuutinillu allanik akiliinissaanut kinguartitsinnaavoq, allalli pingajuusup qularnaveeqqusiisarneranut atatillugu aningaaserinermik ingerlatsineq pillugu inatsimmi § 48 ataqqillugu.

#### 12. Pinngitsaaliisummik naammassisitsineq

Qularnaveeqqutininik pisinnaatitaaffinnik piviusunnngortitsineq qularnaveeqqusiisumut siusinaarluni kalerriutiginninnikkut pinngitsaaliisummik akitsorterussinikkut allakkulluunniit pissaaq, GrønlandsBANKEN-ip siunertamut tulluurtutut naliligaanik, matuma ataani GrønlandsBANKEN-ip nammineq iliuuseqarneratigut piviusunnngortitsineq.

GrønlandsBANKEN-ip pigisat tuninnginnerani, allakkamik innersuusummik nassiussisoqassaaq, qularnaveeqqusiisoq sapaatip akunnera ataaseq sioqqullugu GrønlandsBANKEN-ip piunasaqaataanik naammassininnissamut kajumissaarneqarluni.

Tamannali atuutinngilaq, annasaqarnissaaq pinaveersaartinniarlugu imaluunniit killilerniarlugu erngertumik tunisinissaaq pisariaqarpat.